

Число 19.

Ужгород, 1. октября 1923.

Рочник III.

ВЛАХОВІСТНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходить двараз в мѣсяць
кождого 1-го и 15-го.

АДРЕС:
редакції и окремії:
КІДАКСІЯ „ВЛАХОВІСТНИК“
Uzhgorod, Kapitulska, 3.

ПРЕДПЛАТА:
на рок 12.— К
одно число — 60 К
За границу 20 .. К
До Америки..... 1 Д.

ОБЯВЛЕНИЯ
принимаются по днівъ
за 1 сторону .. 200 К
за 1/2 сторону .. 120 К
за 1/4 сторону .. 65 К

Выборы,

Одбылися сѣльскѣ выборы. Вже має кождое село
своихъ выбранныхъ заступниковъ, котрѣ будуть рѣшати
по всѣхъ громадскихъ дѣлахъ. Они будуть выбирати ста-
росту (бирова), они мають рѣшати въ дѣлахъ принад-
лежности, сѣлскихъ податковъ и тд.

Сеѣ выборы не были такѣ, якъ давно, но прово-
дилися подъ знакомъ партійности, ибо листы кандидаций
зандавалися подъ именемъ якоѣсь партіи. На се наши
люде не дуже уважали и въ многихъ селахъ подписалися
и на таку партію, котру и не спознаютъ; о котрой не-
знаютъ, якъ она односиться ко нашимъ церковнымъ, на-
роднымъ и господарскимъ интересамъ.

Не будеме мы туй толковати о политичныхъ пар-
тияхъ, по лиши на то хочеме указати, что у вопросѣ
партийногъ принадлежности вѣрный греко-католикъ головно
на то має позерати, який свѣтоглядъ проповѣдае тата
партия.

Не можъ двомъ панамъ работати, не можъ наразъ слу-
жити Богови и діаволови! Або, або. Або одному уго-
дити, або другому. Обомъ не мож.

Особливо важный есей вопросъ днесъ, коли изъ по-
литическихъ интересовъ такъ страшно нападаютъ на нашу
Церквъ изъ всѣхъ сторонъ.

Кождый изъ насъ повиненъ видѣти, что на П. Руси
ведеся противъ нашої Церкви хитра, злобна борьба,
котра намѣряє уничтожити нашу религійну культуру.

Церкви од нас насилу и хитростю заберають и не е законноѣ обороны для нас против сих насильствій. Народ наш бунтують агитаторы, так что передуреный брат против брата, сын против отця и матери выступае з дикою ненавистю.

Шизматицкое лжеправославіе организується, приходить митрополиты, епископы и протопресбітеры из Праги высланнѣ. Они свободно могут заходити у наши Церкви, робити торжества и дурити людей глупых такими смѣшными бесѣдами, як пр., что Христос не бритався, не стриг волося, як уніяты и пр.

И неукий, розбунтований народ сам собѣ копле яму для духовного и народного гроба.

Школы церковнѣ вже майже цѣльком забрали од нас. И мы без організаціи, без рады стоиме и чекаеме ще дальшѣ удары.

А то кождый из нас мав бы знати, что в едной демократичной державѣ интересы Церкви лиш една сильна христіанска партія може обороняти.

Сѣльскѣ выборы доказали, что в нашей Республіцѣ найсильнѣйшою была сеся христіянско-каѳолицка партія, так зв. лідова, од котроѣ и мы можеме чекати и лиш од неї обороны наших прав. Но ид тому потрѣбно, чтобы и мы были вѣрнѣ ко бѣлому прапору христіянского свѣтогляду!

ПРАКТИЧНЫЙ КАТЕХІЗ

Что ослабляє нашу вѣру?

Нашу вѣру ослабляє, даже и на одступленіе нас од вѣры приводить:

1. гордость
2. залишеннє молитви и богослугеній;
3. читаніе злых книг и новинок
4. товарищество з ворогами вѣри и церкви.

1. Мартин Лутер, реформатор, причинившій страшный раздор церкви реформаціи лиш из гордости одступив од Хрис-

голову правды, ибо коли верхность му сказала, что его наука не ѿправдива, он не хотѣв признати над собою авторитета.

То самое робив и *Фотій*, сесь зрадник своеї церкви, котрий для того противостав приказам церкви, ибо за всяку ціну хотѣв быти патріархом константинопольским.

Но один из наших шизматиков признає вже, что за-
блудив од путя истинны и желав бы вернутися назад у цер-
кви отцов и прафідов своих, но из гордости не хоче поко-
риться правдѣ.

Най не забуде сякій чоловѣк, что Господь оставил 99
овиць и ишов глядати одну, так и ему, если вернєся назад,
и отцемкою любовю буде радоватися истинна Мати Церков.

В съверной Франції сталося, что един столарь по-
хоронив и понесли го у едну больницю, где сестры милосердія обходили его. Столарь изовсѣм залишив быв молитву
и импръ го напоминали сестры, он не хотѣв ни молитися,
ни спогадатися. Коли вже приближилася послѣдня его година
и профри побожно молилися коло постели его, он сказав:

«Жко поздно, все пропало, тут стоить, кто повесе-
ми и умор...»

Ік отоъ загасне, если не додаме палива, так и вѣра
наши оса молитвы, без слуханя св. службы, без сповѣди и
пригнання загасне, пропаде,

В. Св. Терезія из добрих книжок, котрѣ ей давала по-
божни маги, набралася духа губокої смиренности и побож-
ності. По смерти матери знакомѣ приносили ей безбожнѣ
книжки и она читаючи сіи, стала упадати в ревности, стала
спінугти в ней вѣра и росла охота ко солодостям свѣтским. Раз
пішион ей Ангел и указав ей мѣсто в пеклѣ, котре на ю-
жно, южнѣ и дальше буде читати totы злѣ книги. Св. Терезія
бажа піти за велику ласку напоминаня, изовсѣм одкинула
од себѣ книгу злу книгу и днесъ почитаеме єї межи святыми.

Із чиных французскої революції три писателї — Voltaire, Diderot и D'Alambert — из пекелновъ злобы соединилися для
того, чтобы путем книг, брошур и газет вырвали вѣру из
рукъ людей. Помагали им в том дѣлѣ и другѣ безбожнѣ
члены. Так они бесплатно разсылали свои книги, особенно
много личин из них учительям, обы сесь меж учениками
ширили свою діавольскую писанину. И что было наслѣдком
того? Упадок побожности и моральности, всякий неспокой-
ливуючиць, борьбы и несчастья и то так в Франції як
и в інших краях.

Так и теперъ у каждое наше село бесплатно заганяютъ
новиць шиммитицѣ и безбожнѣ газеты, (як Р. Земля) и книги
и смириць ненависть против Церкви.

Із чого о наслѣдком сеї агитациї?

Упадок вѣры, ширеніе ненависти и междуособиць борьбы.

Добрый християнин не возьме до рук таку книгу и таку газету, котра против вѣры, або против слуг церкви бунтуе.

4. Жив во Силезії един садовник, котрый часто заходив до едної протестантскої фамилії. Туй не раз стрѣлився и з едним протестантским пастором, котрый принадлежав ко безбожному товариству массонов. Сесь все высмѣвав вѣру католицку и наконецъ наговорив садовника, обы одступив од своеї вѣры. Посему и садовник все против кає. церкви говорив и много вадився з едним другим садовником, котрый вѣру свою твердо держав.

Раз якась неспокойность напала на него и сказав товаришам:

— О як счастливый е тот мой товариш, бо он непоколебимо стоить в своей вѣрѣ; а я зрадив, залишив свою вѣру, свою церков, я проклятый, я пропаду...

У куртый час повѣсився!

Една нѣмецка католицка газета подала выказ о страшных наслѣдках злого товариства Жила една безбожна фамилія, котра в кружѣ своем все против церкви говорила и ширила ненависть против вѣры. Тоты люде, котрѣ з сею фамиліею зналися, особливо, котрѣ часто до неї заходили, и сами набралися того духа и многѣ из них несчастью походили; без сповѣди нагле умерли, або самоубійством, або в темницѣ, або якимсь несчастьем згинули. Такій-то конецъ тых, котрѣ не варуються од товариства нечестивых.

И вы солодкѣ варуйтесь од тых, котрѣ суть ворогами вашої Церкви.

A. B.

Архіерейска подорожъ Его Преосвященства Епископа Пряшевскаго.

Маковица уже другій разъ витала своего облюбленного Архіерея Преосвященнаго Епископа Дионизія Нярадія. Дня 8-го сентября въ супроводѣ о. Ксаверія Бонна пражскаго гр. кат. пароха и о. Емерика Седлака вицеректора семинаріи пришовъ Владыка въ В. Свидникъ абы дня 9-го сентября благословити нову церковь на самой границѣ лежащомъ селѣ Шарбовѣ.

Дня 9-го септембра Его Преосвященство изъ дома о. Николая Данька выѣздывъ въ Шарбовъ. Въ дорозѣ постѣтивъ церковь въ Гунковцахъ, гдѣ цѣле село сердечно витало приходъ Его Преосвященства на чолѣ съ о. Николайомъ Кендровскимъ. Преосв. Владыка окончивши молебень, коротку проповѣдь тrimavъ а народъ съ великою утѣхою слухав Его слова.

Чт. Гуцковецъ дале провадила дорога до Шарбова. Перейшли сме
сели гдѣ блудъ кривославія зачинався. Видѣли сме ту руину, яку
принославіе запричинює у людскихъ серцахъ. *Корейовци* съ
чесн., *Медвеже* цѣлкомъ въ душевной хворотѣ; нигде чоловѣка
не видно, люде покрилися жебы еще ани невидѣти своего прав-
дичного Пастыря. Умерты села, плодъ кривославія. — Рано о 10
чесн. дошли Преосв. Владыка до Шарбова, гдѣ цѣле село съ
одушевленемъ витало его. Тамъ были отцы слѣдующі: о. Іоаннъ
Гилько деканъ зъ В. Орлика, о. Ярославъ Капишнскій деканъ
изъ Буковиць, о. Николай Данько деканъ зъ В. Свидника, о. Іре-
ній Яницкій зъ Писаной, о. Миронъ Петрашшовичъ изъ Соро-
чини, о. Адальбертъ Пудихъ изъ Шеметковецъ, о. Іоаннъ Гой-
дичъ изъ Кругильовы, о. Николай Кендроўскій зъ Бодружаля,
о. Матвій Трчка ч. Спаса Іисуса, о. Карель Сташикъ редемп-
тористъ, и два діаконы Федоръ Пришлякъ и Димитрій Федасюкъ.
Преосвященній Владыка поблагословивъ Церковь и окончивъ
предѣ Церквою архіерейскую службу и рукополагавъ двохъ дія-
кононъ, ибы народъ видѣвъ тѣ славны обряды съ якими вы-
стѣниуютъ священниковъ Христовыхъ. Его Преосвященство при-
коснувшись Служби Божої у красной проповѣди обучивъ народъ
и нечастній той христіянъ который вѣру свою утратить. —
Собрались тамъ народъ изъ околици съ процесіями, до 800—1000
людей можно было почислити, same мірованіе за 1 годину три-
мило; и все люде хотѣли быти мірованы отъ Его Преосвя-
щенства. Вѣрии дѣти Христової Церкви всѣ пришли видѣти
свого доброго Пастыря, чути его поученіе и побольшати ра-
дость обитателей Шарбовскихъ, для которыхъ такъ велика ласка
ушлиши ити стороны Владыки, кто самъ поблагословивъ ихъ
Церкви. Подъ часъ славностей видно было отъ села неда-
лько, на краю лѣса малу толпу народа, съ далека призератися,
и то были тѣ нечастні, котрѣ поблудили у вѣрѣ и самъ чув-
ствовали свое нечастя, ибо ани не смѣли прйті между чистъ
оіи Христовы. А могли прйті, отъ нихъ бывся никто не
штовиць, але они могли были очиститися. — По окончанію
славностей у домѣ Осифа Бобака уготованый бывъ обѣдъ для
нихъ присутніхъ.

О 4-омъ часѣ по полудню Его Преосвященство перешли
по Гистрой, пащивити добрыхъ своихъ вѣрниковъ, котрѣ его
печиною радостю и любовю привитали. Но ихъ радость тѣгда
была найбольшиа, якъ видѣли старанія Его Преосвященства
о нихъ, вѣ томъ что такой зоставив имъ за священника въ
Шарбовѣ посвяченного Федора *Пришляка*. Еще того дня при-
шовъ Владыка до Бодружаля.

Дні 10-го сентября въ Бодружалѣ была архіерейска служба.
Приблиз. Владыка *Миролю*, *Пстрину*, *Писану*, *Капишову* а на
шої. останися въ Кружльовѣ въ домѣ о. Іоанна Гайдича.

Дні 11-го IX. въ *Свидничкахъ* была архіерейска служба

на праздникъ Усѣкновенія Главы Іоанна Крестителя. Подобно якъ въ Шарбовѣ и ту, можно еще больше народа зійшлося. Ту народъ его яко и у *Вапенику* славянскою щиростю привитавъ хлѣбомъ и солею. Посѣтивъ *Вапеникъ*, *Кечковци* и *Ядлову*. У всѣхъ селахъ видно было, что дѣйсно радуется народа свому Архиерею. Видѣвъ народа и чувствовавъ любовъ своего Архиерея, и потѣху черпавъ изъ Его проповѣдей и укрѣпляясь у своей вѣрѣ православной кафтолической. А видѣвъ и то народа, что онъ не такъ опущенный, бо маєтъ своихъ, котрѣ о немъ стараются; видѣвъ народа что Преосвященный Владыка хочетъ познati всѣхъ своихъ священниковъ и вѣрниковъ, абы такъ могъ добре управляти своимъ стадомъ.

Дня 12-го повернувшись Владыка въ Пряшевъ, абы дня 27-ого знову завитавъ въ Карпатахъ на *Букову Гору*, окончiti отпустъ на праздникъ Воздвиженія Честнаго Креста.

М. Петрашишовичъ.



„Читайте шизматицку правду!“ По селахъ теперь разсыпают якусь шизматицку брошурку по имени: „Читайте святую (?) правду.“ Въ котрой меже звычайными гробіянствами, неборакъ шизматикъ усилюется всѣми силами доказати, что Христосъ не передавъ верховну власть апостолу Петрови; и что „лукавые католическія ксендзы и уніятскіе попы“ главенство св. Петра не могутъ доказати ни одним словомъ изъ св. Писанія, ни изъ св. церковныхъ книгъ, ни съ вселенскими соборами. Видко, что якійсь бывшій бактеръ, або кондашъ написавъ сесю листину, „бо такими доказами честный и лишь мало розумный чоловѣкъ не смѣвъ бы выступити. Головный ихъ аргументъ противъ св. Петра то, что Христосъ не апостолу Петрови розказавъ осла — для

шо торжественного входа въ Іерусалимъ — привезти, но похмъ своимъ ученикамъ и что апостолы выслали Петра и Іоанна въ Самарію. Крутить головою батюшка и звѣдаєшъ то може быти, что апостолы выслали своего начальника. Дорогій батюшка та ты еще не чувъ о томъ, что и сельска громада або городскій выборъ не разъ высылаютъ старосту, цбо градоначальника въ даяку депутатію, або полагодити данку вижніу справу? Съ симъ они еще не твердять, что старости лишь только права мае, якъ простѣ селяне!

„Учопый“ батюхъ! Чому ты не звертаешь увагу на то мѣсто св. Писанія, где Христосъ не *всѧмъ апостоламъ* но одноко он. Петрови каже: „*Ты еси Пётр и на сеmъ камени сеmиждѣ Церквѣ мої... и тѣкъ (ве всѣмъ) дамъ ключи Царства икіснаго...*“ (Мѳ. 16, 16.) и почему не поминаешь слова Ісуса Христа, что зновъ только одному св. Петру и не *всѧмъ апостоламъ* три разы сказавъ: *Паси агнцы мої, паси єнци мої (Іо. 2) Ге?* Се уже аргументъ! А не то, что вы ближого ши гр. каоол. священиковъ: „лукавые уніяты попы, котрѣ обманываютъ добрый русскій народъ“. Лати и брехати то хотятъ. Во того ся научили сте при коняхъ и свиняхъ, ши котвиши и кондаши. Но до писаня не добирайтесь, бо до того не разумѣете!

Новъ ческѣ бискупы для „православныхъ“. Ческѣ новинки подають слѣдуючу вѣсть: „Ческословенска републикатворить одну „православну“ провинцію под назвою: Православна архіепархія ческословенска, (Pravoslavna archieparchie československa), котра роздѣлена буде на три архіпахії: на пражскую, на моравскую а на подкарпато-руську. Головою цѣлой провинції есть архієпископъ пражскій Кирил Савнатій. Якъ зорганизуєся по законамъ шиннитицї церков, выименованъ будуть епископы моравські и подкарпаторуські. Дочаснымъ управителемъ подкарпатского отдельа ставъ въ сихъ дняхъ *biskup Веняминъ*, бывшій епископъ (?) въ Севастополѣ, до кого выименованъ есть за архидіакона др. Червінка. Ихъ приходъ значить початокъ выостренія релігійной борьбы на Подк. Руси, по-поку Венямина мае розпочати остру агитацію на той землі про православну церковь.“

Изъ сей вѣсти дознаемся о томъ, что Дозиєй и его россійское православіе вже умерло и теперъ начинається нова доба, доба „ческой-православной“ вѣры. На се указує же и имя: *Pravoslavna archieparchia československa*, т. б. уже не руська-православна вѣра. Самѣ вожды суть чехи. Савнатій чехъ, бывшій папишскій цлебанъ, Червінка ческій новинкаръ и лишь Венямина принесли сюди на Русії. Айбо и онъ довго не буде туй. Пойде, и на его мѣсто приайде одень „настоящій“ чехъ. Доти гойкали, кри-

чали, вайкали нашѣ вѣроломники, доки цѣлькомъ не впали в ческословенску „вѣру“. Воистину по сему вже не будуть на Подк. Руси лишь двѣ вѣры: одна руська (гр. каѳ. прав.) а одна ческа. Поздоровляєме шизматиковъ и желаеме имъ многая лѣта до новой ческой вѣры.

„Православію“ продають! Что даш? — Думаю, что ани геллера поламаного, коли прочитаешь якими дурницями замагали шизматики „модоватися“. Якійсь неизвѣстный шизматичокъ письма писавъ одному нашему намѣстнику. Лишень трафила коса на камънь. Духовникъ сейчасъ усмотрѣвъ „фѣглѣ“, бо 2 письма были въ одномъ конвертѣ и въ одномъ подписаны „писарь“ что онъ есть: *Organizator Ruszinka Jura* а въ другомъ кажется вже: „*R. Mihály vászélyi u Buštino Bohoslovszka škola*“. Та изъ подъ „богословскаго“ покрывала якійсь шизматикъ угоношуе, что

„posztupév vo bahaszlavszku oš kolu v buštényi... vu-vucsélszjá é vo ámericzi na právoslavnoho agitatöra, i vözsü sto tuj nyit pravd... chocsu lösatö szjá... bùdu organizatö názát nastare... boja uznav za 8 hodu u szi szekret...“

Послѣ сего еще два письма заславъ, въ которыхъ уже пробився клинъ изъ мѣха, бо вопрошаesя, что

„csto bobv zá prezent (?) za velekoje otkrtije tájn prá-voszlavnich“ — „я не много буду просити од васъ...“

Отъ, судѣть Брата! Кто бы хотѣвъ самъ изъ себѣ изробити дурня: ради шизматиковъ? Кого бы кортѣло куповать собѣ такого товару та изъ такого „православія“, что отакѣ богословчики фалшивѣ лицитують є та силують и намъ „za prezent“ та „не за много“?!

Ци такъ, что и писарчукъ такій и тотъ кто му разумадодававъ заслужили бы отъ каждого чеснога русина — въ отвѣтъ на письма и въ „prezent“ — ничего иншого, якъ „пять пальцевъ а шесту: долонъ! кедъ бы ’сме лишь ни жаловали долонь нашу (руку) осквернити съ такими „писарчиками-шизматичатками“. Тадъ сякимъ — ци такъ? — и заушника шкода.

Крѣпковѣрій.

Новѣ святѣ, або кто губить вѣру? Нещастнѣ шизматики доти гойкали на нашихъ священиковъ, что гублять вѣру, доки лиха доля не принесла на ихъ шию нову ческу вѣру. В ихъ повинцѣ: *Православный Вѣстникъ* (печатается въ Праздѣ) поданный цѣлыи уставъ на мѣсяцъ сентябрь и меже святыхъ заведенъ суть уже два новѣ ческѣ святѣ. Именемъ:

16-го септембра. Память св. мученицы *Людмилы, княгини ческія.*

Рок 1923

„БЛАГОВѢСТИК“

Сторона 285.

28 го септембра. Память св мученика Вячеслава князя ческого.

Лѣтъ службѣ и Савватія поминати треба якъ „Господи-шишего Преосвященнѣйшаго Савватія архієпископа Пражскаго и всєя Чехословакії“.

По та ци не файна сеся нова вѣра?! Помало выкидають изъукъ давныхъ святыхъ и наповняють новыми ческими. Се-
шніи платня за вѣроломство. Досталиste православну вѣру
отъ ческими святыми. Та кажѣть теперь, кто губить вѣру?
Вашній папишскій плебанъ Савватій ци нашъ законнѣ
руськъ священики??

Розрѣшеніе шизматиковъ. (Въ вниманіе священиковъ.) Въ теперіишихъ часахъ многоразъ случиться, что вѣрники шизматикої церкви идутъ къ нашему священнику словѣ-
ніемъ. Что до ихъ розрѣшенія апостолскій престолъ слѣ-
дуючу директиву даетъ священникамъ:

Охиметшовъ матеріальнихъ, т. е. такихъ, котрѣ безъ
одої
шишъ находяться въ шизматикої вѣрѣ, лишь въ томъ
одуши способно розрѣшити и то лишь на смертельной пос-
мѣлі. Себѣ що откажуться отъ шизмы и изложать вѣроис-
повѣщите. А если такій шизматикъ вже на только слабый,
що говорити не годень, такого лишь тогда най розрѣшае
чиненикъ если давъ даяй знакъ помиренія съ церковю
и при дать прикликати гр. каѳол.-ого священика.) Но и въ
томъ случаю треба потолковати присутнимъ, что на основѣ
шоихъ дозволено его розрѣшити и св. елейомъ помазати.
Покоронити же лишь тогда можъ, если онъ позднѣйше при-
тишиши къ памяти передъ свѣдками заявляе, что вернеся
швидь иш. клој. Церковь.

Въ изъукъ иишихъ случаяхъ шизматики мають поперед-
но положити исповѣданіе вѣры и помиритися съ Хр. каѳол.
Церковю. (Церковъ и Школа. Пряшевъ. 4. 6.)

Якъ проповѣдае батюшка „православну“ вѣру въ
Горбкахъ? (ж. Угочанска.) Съ семъ мѣсяцѣ, около 5. сеп-
тембра лірихъявъ батюшка, — котрого имя еще не можемѣ
узнати — до Горбковъ въ жупѣ Угочанской. Его „право-
славнѣ“ вѣрники сердечно витали, якъ своего „истинного“
апостола. Коли отець православный просказався, между про-
чими сякъ обяснявъ истинное священство: Кто хоче
быти истиннымъ священникомъ, такъ має
и прилеровати, якъ самъ Іисусъ Христосъ.
И примѣръ якъ я!“

Та ци чули вы уже сякое? Кто має довгу нечесану
бороду, а пантликомъ заплетеное кучирявоє волося, є по-
добный къ Христу, є истинный священникъ „по чину Мел-
хиседекъ.“ Если довга борода и нечесаное довгое волося є

знакомъ истинного священства, тогда изъ сего слѣдуе, что на пр. каждый бородатый и довго волосатый циганинъ або жиде истиннымъ священникомъ.

И тогдѣ, якъ може быти „истинный православный попъ“ на пр. „о.“ Опаленикѣ, кто въ Салдобошѣ безъ бороды попуе.

Небоги вѣрники, ци не Божа кара надъ нами, что вѣрники Христа за бороду священниковъ залишають свою отцевску вѣру и за довгое волося батюшою кровь свою проливають.
(Заслано.)

Наша давна вѣра...

Написав: *Димитрій Кумятскій.*

Не давно быв я в одном Марамарошском селѣ. Коли съме выйшли из вечернѣ, поклонившеся людям почав с ними говорити: Между прочими каже менѣ един чоловѣк:

— Пане, я не знаю як е ото с тою нашою старсю вѣрою. Туй не далеко суть „православнѣ“ и тѣ то кажуть, что их вѣра е стара руська вѣра. И у нас быв уже один батюшка, и той говорив у куратора, что, кто е русин, тот мусить быти „православный“, ибо русины сю вѣру пріяли. Скажѣть нам ця правда е се, ибо мы чувствуемся русинами и хочеме ту саму вѣру — яку мали и они.

— Добрѣ братѣ, с великою радостію скажу не лише вам, но и всѣм, котрѣ суть туй. Слухайте солодкѣ братя, если вам не буде нудне.

— Кажѣть, кажѣть пане!

— Та знаете, на самый перед скажу вам, что славяне, та и русины так, як и другѣ народы умоляли природнѣ силы, котрѣ мали имена, и свої статуи — были звычайнѣ идолы. Думали еще и то, что воды повны суть нимфами, русалками, а в лѣсах суть лѣсовики, то есть воднѣ и лѣснѣ силы.

Коли Россію основали, русины еще погане (язычники были). В сем вѣку были там королями Рурик, Олег, Игор, Святослав, коли ступив на трон св. Володимир от рока 986—до р. 1015. В сем часу удостовѣрилися руськѣ учень люде, что вх идолы не суть истиннѣ боги, не мають жадносѣ силы. За се яли раздумовать о новой вѣрѣ. Найкрасшою узнали истинну вѣру Христову, котру уже имати царя Святослава приняла была, называема Ольга (954—972). Св. Володимир с женою Анною и с дѣтьми по греческому, восточному обряду приняв христіянство, разорив идолы и найбольшого бога, так званною Перуна верг в рѣку Днѣпр рока 988. Тогда приняли также русины вѣру христіянску, котра вѣра была истинна православна, Христова

вѣра. Тоты христіяне были в союзѣ з Римом, признали всѣ праїды Іисуса Христа, признали папу, Римского Отца. Та можете видѣти, что русины же были „православнѣ“, и хотя из востока приняли Христову вѣру, были истиннѣ вѣрники Церкви Христової. *Русины приняли таже христіянство под св. Володимиром 988, а роздученіе восточной церкви лише в року 1054, под патріархом Михаїлом Керуларіом было.* Зачим гордость константиноградских патріархов и цесарей по хотѣла признати новагу Рима, то е папы, почали нападати всякими злыми и безочльвыми клеветами на римскій престол. Тогда римскій папа заслав послов, най позвѣдались окончательно, дї повинуються верхности. Зачим они па се гордо не пристали, послы римскѣ положили выключительну буллу папы на престол церкви Агії Софії.

Сим отбылося то смутное событие, что восток отлучился от запада. Сіє событие притягло пак и русинов к раздору. По окончательно переведена была шизма лиш под Петром Великим А головна правда е то, что русины бб роками перетроеком греchеск. церкви од един. истин. церкви приняли ипотично православну, а не таєрѣшну кривославну вѣру. Та и нужно брохши вам тот батюшка. Но не чудо, ибо откуду бы и лишили исторію батюшки, коли они до сих часов кочишѣ, и дроворубичиѣ были, или наибольше шустры. Н. пр. „О“ Кабаток и протоколъ Мараморошсиготском о „православії“ от слови до слова сяк ся описує: *Сольною деревляною роботою як шник (шисамош) занимавшися и на отпusty ходящій Александер Кабаток, по имени монаха Алексій.* Сякій е их протоієр. Ти легка можуть сякъ „ученѣ отцы“ в блуд повести русинов. П там, где блаженство глядають в довгом вечесаном подносу, и подбальнией бородѣ, там з осанкою принимають отцов о сякою глупостію наповненных. Нашѣ предки вже около р. 855 были истиннѣ христіяне, туй на Педк. Руси, поо петорія каже: „В конец св. Кирилл и Меѳодій утвердили у чиc окончательно христіянство.“ Та перед розколом (схизмою) были и подк. русины истиннѣ христіяне.

— То каже батюшка, — замѣчає оден — что русины токмо в 1646 принялі „Увію“ и то не они, но лиш посы, бо они папы хотѣли быти.

Се правда! Но то не правда, что тѣ, унію принявши русины были „православнѣ“, шизматики, ибо они уже под Кириллом и Меѳодіем приняли христіянство, потому отлучились от истинной церкви и то греки року 1054 а русины о много позднѣйше а в роцѣ 1646 вернулися назад там, где є „правда и истинна“.

— Се є правда братя. Не слухайте вы на брѣхню, ибо тот, который то каже, что русины принялі шизматицку вѣру,

тот и тогды бреше, если реверенда е на нем, и носить довгу бороду с довгим волосом и слухать на имя „батюшкѣ“.

— Та видите, як брешуть батюшки! кажуть люде.

— Правда что брешуть. И я не на том ся чудую, что они брешуть, ибо они глупѣ, та и незнають, бо исторію учитися треба, но коло сокыри или копыты се дѣлати не можно, то е чудо, что народ вѣруе им. Я так думаю, что вы, котри и самѣ называете брѣхнею их науку, не будете за ними ити, но останетесь в истинной церкви Христовой.

— Останемеся — кажуть люде. Небойтесь пане! У нас нигде не буде овчарь за попа, мы никогда не залишиме Христа!

— Най вам Бог всемогущій поможе, кажу я и е сим докончу бесѣду за нашу давну вѣру и Церковь.

|| ДОПІСІ ||

Почтенный Пане Редакторе!

На днях Главнослужновскій Уряд возвратив всѣм селам заявленія переходженія на „православіе“, ибо не по закону выступаютъ из гр. каѳ, Церкви. Лише теперь видно, что множество истинных православных греко-каѳоликов фалшиво записали, также много уже давно померших и в Америцѣ живучих.

При выдаванію бланкет многъ не признавалися до подpisов и записавшѣ протоколы против безоливых агитаторов завдавають их до суду за фалшивованя документов. Во Терновѣ из 270 бланкет только 27 власно ручно суть подписанѣ а другѣ фалшио, также суть и такѣ, что зато записалися, ибо безочливѣ агитаторы казали им, что если не пишуться, та будете мадярами, чехи их выженуть из краины!? або голову им здоймтуъ!!

Протестуеме против такого террора, яким безочливѣ агитаторы пуджають греко-каѳоликов и против таких нотарских урядов, котрѣ переступаютъ главнослужновскій розказ и возвращенї списы не адресованым особам даютъ, но „православным“ комитетам, чтобы фалшивость не вызнала ся!

Братя! Истинно „Православнѣ“! Не бойся сяких диких террористов, ибо наша правда побѣдить! Не слухайте на порожнѣ слова, ибо видиме их каждоденну нехристиянську „любов“, котру проуказують камѣньом и палѣньом съна.

Если другой нѣт, Бог небесный нас заступить! Будьме спокойнѣ, раз дочекаеме и конець сему дикому террору!

С нами Бог!

І. Г., истинно православный грек католик.

Почтенный Пане редакторе!

Батюшка финансъ Тиблевичъ, который уже в 60 годъ спусто жиць стался батюшкомъ, хотѣвъ бы „миссіонеромъ“ быти въ Уличъ-Кривянской правосл. Гр. Каѳ. Церкви. Дня 8-го сентябрь прийшовъ въ Уличъ-Кривое уже 4-ый разъ и просивъ прав. пр. иад. кураторовъ, чтобы подписалися ему и согласились съ его „дѣйствованіемъ“ въ прав. гр. каѳ. Церкви. Но честнѣ прав. пр. иад. кураторы Уличъ-Криви о том ани чути не хотѣли!

Батюшка але однако вечеромъ, коли церковникъ дзвоинвъ на свято, съ двома шизматиками вломився въ нашу св. Церковъ, риши вязти на себе и откончивъ съ ними вечерню!

На другій день же въ недѣлю уже до церкви не могъ пойти сякъ съ швиндлерствомъ якъ вечеръ, та чекавъ на лѣпшъ часы. Кураторы и церковникъ видѣвшіе, же батюшка и дальше помѣсъ церковь на утреню не отворили (хотя 2 шизматики дуже скакали и терроризовали, же будуть на церковника „чигити“ иль св. книг), по дали знати дѣло законному священнику о. Ю. Роговскому. Онъ коли прийшовъ, просто пошовъ съ учительномъ С. Хирою въ школу, где перебывавъ батюшка, чтобы пристоянкъ передъ батюшкомъ противъ его беззаконного поступання. И коли лемъ еще пару словъ сказавъ, одень шизматикъ вломився въ комнату и вырвавъ ключи церкви изъ рукъ ишицо-учителя п. Хиры. Ключъ потомъ на розказъ мѣстныхъ юндировъ изъ той комнаты, въ которой ночевавъ батюхъ, мушыкъ отдали. Тогда о. Ю. Роговскій могъ откончiti св. службу.

Батюшка же подъ часъ св. службы ходивъ коло церкви и павши ножъ и зачавъ стругати конарики.

Дѣло завдалося компетентнымъ урядамъ. Старому финансю сопѣтуєме, чтобы сидѣвъ собѣ на своемъ мѣстѣ спокойно, бо мѣсъ сице дальше буде скакати, такъ увидить, что чекае на „неспокойного финансца“.

Улич-Крива 12-го сэпт. 1923.

I. P., вѣрный прав. гр. каѳоликъ.

НОВОСТИ

Преосвященный епископ мукачевскій Антоній на праздник Покрова Пресв. Богородицѣ намѣряе пойти до Гисашвару, где с велиkim торжествомъ посвятить нову церковь гр. каѳ. русскихъ вѣрниковъ. Изъ сего случаю най изволять отцы духовнѣ возвати народ чтобы в чимъ большомъ числѣ приходили на сie торжество. Удѣлено буде по поводу сего тор-

жества всѣм вѣрникам мукачевской епархіи апостольское благословеніе и кто в сем повном отпустѣ участвовать хоче, по щирой сповѣди и причастію должен помолитися 5 раз Отче наш и Богородице с Вѣрую на намѣреніе св. Отца.

Антоній Кирил Стоян архіепископ Оломуцький

рый друг народа моравскаго и прилѣжный працівник христ. каѳол. Церкви. Народився г. 1851., посвящен за священника г. 1876., архіепископом став г. 1921. Быв послом австрійского парламента, по переворотѣ же выбран быв за сенатора до Пражскаго сойму. Покойный архіепископ щиро любив наш народ и постоянно интересовался судьбою нашей епархіи. Знав добрѣ, что и в политицѣ христіянскій дух має пановати, зато живо працюа, чтобы лідова партія всягды организована была. Як архіепископа характеризовала его глубока щедрость к всѣм бѣдным и нуждающим; за два роки быв лиш архіепископом, но из сего часу много больше перебывав меже народом, як в своїй резіденції. Его вдячный народ и не называв его іншак, як „taťičko Stojan“. Все что мав по приказу Христа раздавав нищим.

Покойный архіепископ скоро завважав великое значеніе христіянскаго новинарства и не жаловав и материально подпоровати христіянскѣ новинки меже прочими и наш Благовѣстник. Его заслугою были святославнѣ уніонистичнѣ з'їзди Велеградскѣ для помиренія Восточної Церкви. Его смертю утратили чехи одного великого народовця, св. Мати Церков одного апостола, а мы русины одного щирого пріятеля.

— **Окружное собраніе учителей**, — отбывшоеся в Бѣлках 20-г IX. с. г. енергично запротестовало против большевицкого террора и насильствія схизматиков с тым, что учительѣ, як просвѣтителѣ народа на дале уже не могутъ складеными руками, спокойно зрети тулу против-культурну и бунтовну работу неграмотных батюшек, котру они некаранно провождаютъ против найсвятѣйших интересов нашего русскаго народа.

Надѣемся, что высланець Школьного Отдѣла порозумѣв важность сего протеста и изробиться уже раз да что в дѣлѣ запрещенія свободного вандрованя неуких батюшек бунтовщиков; понеже на другій случай за сим протестом другѣ будуть слѣдовати, бо и учительѣ не могутъ терпѣти вредливое дѣйствованія бородатых народодурителей.

Батюшка, кто ключи краде, а до того збыткуеся. На сесю нашу вѣсть сообщену в 13—14 числѣ нашей газеты досталисме слѣдуюче спростованя, чт. сим выдрукуеме дословно с ошибками рукописи п. Ивана Чокини.

Почтенной Редакторъ, редакціи и експедиції „Благовѣстника“ будьте ласкави напечатать съвдописъ во

„Благовѣстникъ“ Я по имени Иванъ Чокиня, С. Кривое Ж. З. Пишу опровѣрженіе на „Благовѣстникъ“ число 13 и 14 юлія 1. С. Г. Появилася за меня статья; Что я ключъ церковный у кравъ, и понесъ ссобѣ до Перечина, где жандары отъ меня взали. А то не есть правда. Я ключъ просилъ отъ церковника, и ему назадъ одѣдалъ емъ. Я можу досвѣтити Церковникомъ Галага Иваномъ: что то есть не правда, которую написаль нашъ Кривянскій Священникъ. А вы Почтенной редакторъ.

„Благовѣстника“ прошѹ васъ еще раз: что безьте на печатали мое „Опроваѣрженіе“ въ „Благовѣстнику“. Но если не напечатаете, тоя васъ можу подати въ судъ за обиду чести.

Иванъ Чокина. Бедевля. дня 16 IX 23.

Посвященіе новоѣ церкви въ Унѣвѣ одбылося 23-го септембра сего года. Отправы кончив о. протоіереемъ п. П. Гебей со помошю о. архидиякона Ив. Егрешы, о. Н. Феделеша и о. Ст. Слобока. Праздник сей явнымъ доказомъ быв тому, что квалитетно лѣпша часть селянства нашего про сей, от рел борьбы горницей околици, коло вѣры, коло триції и коло народности своей нѣшоколебимо стоить. Як жертва на олтари, горѣла тамъ кожда луна во любви и щиротѣ до спосто. Из Урмезіова 500 членова процесія прийшла. Выголошено было, что во церкви Унѣвской на св. Недѣлю (Сош. св. Духа) отпуст буде дозволен.

Довгій день въ Русскомъ (Берег). 20-го септембра празднують жиды свой судный (довгій) день. Сего дня и рушанскѣ шизматики мали великій праздникъ. Загостили до нихъ якійсь bis-кир, на цуравой тарадайцѣ и с однимъ коньомъ. Было великое торжество; кончили отправы на пѣсни боки. Як довѣдалисъ сміяся, рушанска шизматицка громада

по сему каждого 20-го септембра праздновати буде — довгій день.

— Побѣда христіяновъ на выборах въ Чехіи и Моравії. Ческа христіянска партія т. зв. лідова достала найбольше голосовъ, где приступили до выбора. Голосовало на ихъ листу 390.997 особ. Друга найбольша партія аграрна республиканска, котра достала 336 голосовъ. Лідова партія есть въ союзѣ съ партією хлѣборобскою на Подк. Руси.

— Евхаристичный конгресъ быв 18—19-го августи въ Загребѣ, на котромъ собралося около 100 тысячъ народа изъ цѣлоѣ Югославіи. Предсѣдатель конгреса быв апостолскій нунціи что виедно съ пряшовскимъ епископомъ Нярадійомъ пришовъ изъ Крижевца до Загребу. На головномъ засѣданію святочну бесѣду державъ епископъ Нярадій. Премного гр. каѳоликовъ было тамъ изъ епархіи Крижевецкой подъ проводомъ священиковъ.

Короткѣ вѣсти. Ческѣ рим. кат. остро протестують против обмеженя выучовання религії в школах. — Великѣ славности одбыли ся в цѣлой Чехії на праздник св. Вацлава, ческого короля. — Церковна газета „Церков и Школа“ в Пряшевѣ опять буде выходити єжемѣсячно. — Министер заграничных дѣл Бразилії выдав розпорядженіе, в котором заявляє, что кардиналы Церкви в том рангу находять ся, який приходить герцогам, престолонаслѣдникам. В Бразилії число каѳоликов 32 милл. — В военской вязницѣ — Theresienstadt — находять ся 400 вояков арестованных; из сих 379 суть безвѣрными. Якѣ страшнѣ наслѣдки житя без Бога! — В Clevelan-ѣ (Америка) почали будовати катоолицкій универзитет. — Пражскій архиепископ скликав на 14. септембра на конгрес всѣх катехитов и учителей религії всякого рода школ. — Од 9-го до 12-го октобра святославный церковный хор Сикстинскій из Риму буде дати дасколько концертов.

На фонд „Благовѣстника“.

Почтена редакція!

Я чоловѣкъ читаючій іностранныхъ духовныхъ газетъ, маю найбільше одушевленіе к Вашої духовной газетѣ „Благовѣстникъ“. Я читаю французку газету „L'Assomption de la Ste Vierge Marie“; болгарску дух газ. „Поклонникъ“, словацки, чески, українски іпр. іпр., но ізъ всѣхъ можу торжественнымъ голосомъ заявляти, что „Благовѣстникъ“ есто царемъ всѣх духовныхъ газетъ. Нашъ народъ можетъ благодарити редакцію „Благовѣстника“, что редакція так ясно, мудро издаваетъ и укрѣпляетъ вѣру Христову и свой руській народъ хочетъ придержати на лонѣ св. Матери церкви. — Посилаю 20 Кч на фондъ „Благовѣстника“.

Поздравля почтеную редакцію Вашъ братъ въ Христѣ!

Пряшев 23.IX. 1923.

Павелъ Спишакъ, богословъ.

О. Ал. Мирошай, Нягово 30 Кч. Павелъ Спишакъ, Пряшев 20 Кч.

ПЕРЕПИСКИ РЕДАКЦІИ.

— — —

К. Л. Тота брошурка против главенства св. Петра печатала ся в друкарнѣ той „Школьной Помочи“, котру институцію и не давно так горячо защищали др. Ю. Гаїжега и А. Коссей, мukачовскій архидіякон.

ІІ. Сп, Пряшов. Щира подяка головно за теплѣ и сердечнѣ слова вашого листа.

Д. Х. О том мы уже писали. Шизматики дуже заступаютъ трираменны кресты, но чому не подивлять ся на черево батюшков, где висить только однораменный крест?

В. Кр., Америка Ваше письмо досталисме. Тѣшить нас дуже, что вы так любите Благовѣстник. Ваше желаніе исповняє ся. Ширѣть може Американцами сіё успѣшное оружіе Божой правды.

РЕДАКТОР-ИЗДАТЕЛЬ:	ОТВѢЧАТЕЛЬНЫЙ ГЕДАКТОР
АВГУСТИН ВОЛОШИН.	ЕМИЛІЯН БОКШАЙ.

ТИПОГРАФІЯ АКЦІОНЕРНОГО ТОВАРИСТВА „УНІ“ В УЖГОРОДѢ.